

Non valet impetratio facta per modum in Cancellaria exprimendum.

47. Item voluit, quod si petatur aliquod Beneficium vacans per modum in Cancellaria Apostolica exprimendum, talis impetratio non valeat, nec litera desuper expediantur.

De executione facienda.

48. Item voluit, statuit, & ordinavit, quod quotiescumque per Signaturam suam, vel de ejus Mandato factam super exequendis aliquibus cum adjectione proprii nominis, vel Dignitatis cujusvis, Judex datur, litera desuper expediantur cum expressione, quod idem Judex executionem faciat per se ipsum.

De dispensationibus in gradibus Consanguinitatis.

49. Voluit, quod in literis dispensationum super aliquo gradu Consanguinitatis vel Affinitatis, aut alias prohibito, ponatur clausula: *Si Mulier rapta non fuerit.* Et si scienter, ponatur clausula in quaterno,

Super defectu Natalium.

50. Voluit, quod in dispensationibus super defectu Natalium, quod possint succedere in bonis temporalibus, ponatur clausula: *Quod non prejudicetur illis*, ad quos successio bonorum ab intestato pertinere debeat.

Super Dispensationibus.

51. Item, quod per quamcumque Signaturam in quavis gratia nullatenus dispensatio veniat, nisi specialiter exprimatur, vel dicta gratia totaliter effectum hujusmodi dispensationis concernat, vel alias nihil conferat, aut operetur.

Nulli suffragetur dispensatio, nisi literis confectis.

52. Item cum concessionem super gratis dispensationum quarumcumque quibusvis per ipsum Dominum Nostrum concessarum vel concedendarum per Regulas Cancellariae Apostolicae, sint provide limitatae, licet aliquando in petitionibus super hujusmodi concessionibus oblati multa sint petita, ne quis talium concessionum pretextu, id dispensative tenere, aut facere presumat, ad quod concessionem hujusmodi se non extendant, voluit idem Dominus Noster, quod nulla talis dispensatio cuiquam in Judicio vel extra suffragetur, antequam super ea litera Apostolicae sint confecta.

De clausulis ponendis in literis Indulgentiarum.

53. Item voluit, quod in literis Indulgentiarum ponatur, quod si Ecclesiae, vel Cappella, aut alias aliqua Indulgentia fuerit concessa, de qua inibi specialis mentio facta non sit, hujusmodi litera sint nullae.

De Indulgentiis concessis ad instar.

54. Item voluit Dominus Noster, quod littere super Indulgentiis non expediantur ad instar, nisi specificentur.

De exprimendo valore Beneficiorum in impetrationibus.

55. Item voluit, quod in gratis, quas quibusvis personis de Beneficiis vacantibus, seu certo modo vacaturis fieri contigerit, illorum, & aliorum quorumcumque Beneficiorum, quae dictae personae tunc obtinuerint, seu de quibus eis fuerit provisum, vel concessum, aut mandatum provideri, verus annuus valor per marchas argenti, aut sterlingorum, vel libras turonen. parvorum, seu florenos auri, aut ducatos, vel uncias auri, seu aliam monetam secundum communem estimationem exprimatur, nisi persona praedicta Beneficia, quae tunc obtinuerint, aut in quibus, vel ad quae jus eis competit iuxta ipsarum oblationes, aut alias dimittere teneantur, alioquin gratia praedicta sint nullae. Et idem servetur in gratis, quas a Sanctitate Sua Motu proprio emanare contigerit, quoad Beneficia, tamen, de quibus per Sanctitatem Suam pro tempore providetur, seu provideri mandatur, aut alias disponitur, ac literis per quas pro tempore ad Ecclesiam Patriarchalem, & Cathedralium, ac Monasteriorum regimina promotis conceditur, ut Monasteria, & alia Beneficia Ecclesiastica Secularia, & Regularia per eos obtenta, & in quibus, & ad quae jus eis competit, retinere possint.

De clausulis in Beneficiis vacantibus ponendis.

56. Voluit & ordinavit, quod quando providet, seu mandat provideri alicui de Beneficio Ecclesiastico vacante, tunc dari poterunt clausulae, si petantur, etiam si illud quovis modo *Exc.* seu per Constitutionem *Execrabilis* vacet & specialiter reservatum inter aliquos litigiosum sit, & ejus collatio devoluta fuerit, & si pro colligante vel subrogationem, aut si neutri vel si nulli *Exc.* petente, si tunc lis specificè exprimatur, nec detur aliqua generalis reservatio dispositive, nisi desuper in concessionem specialis & expressa, ac parte, & non sub conditione mentio fiat, & tunc reliqua Reservationes ibi contentae veniant. Si vero tempore expeditionis inde literarum generalis reservatio hujusmodi probari non possit, aut in novis provisionibus, seu pro colligantibus, *Si neutri vel si nulli Exc.* sit expressum, quod ab aliquibus asseritur, illum, cujus

ejus Beneficium conceditur, Collectorem vel unicum Subcollectorem, Abbreviatorem, vel Familiarem, Notarium, aut dictae Sedis Officiale fuisse, clausula ponatur etiam si dictum Beneficium ex eo, quod talis Collector vel unicus Subcollector, Abbreviator, vel Familiaris, Notarius, aut dictae Sedis Officialis fuit, dispositioni Apostolicae generaliter reservatum existat, dummodo non sit in eo alicui specialiter jus quaesitum. In reliquis vero nulla clausula detur, unde reservatio generalis elici possit, nisi desuper Signatura per duplex fiat, signata sit, aut reservatio vel alias specialiter habeatur.

De expressione qualitatum Beneficiorum in impetrationibus.

57. Item voluit, quod super Beneficiis Ecclesiasticis de qualitibus illorum videlicet an Dignitates, Personatus, vel officia sint, eique imminet Cura Animarum, & ad illa consueverint, qui per electionem assumi, mentio fiat; alias gratia desuper facta sint nulla. Et si qualitates hujusmodi affirmative vel conditionaliter non exprimantur, negativa expresse desuper fiat in Beneficiis, quae tales qualitates, vel ex eis aliquas consueverint habere.

De Beneficiis vacantibus per contractum Matrimonii.

58. Item si reservetur Beneficium per contractum Matrimonii, non dentur alii modi vacationum de futuro, nec censetur Beneficium reservatum specialiter vel affectum, nisi sequatur Matrimonium; sed in Beneficiis per promotionem, aut ingressum Religionis, vel ascensionem vacaturis ponatur clausula, etiam si non petatur, cum Beneficia hujusmodi praemissa, vel alias quovis modo &c. praeterquam per obitum obtinentis, vacare contigerit, etiam si vacent. Decernens irritum &c.

De clausulis ponendis in literis Religiosorum.

59. Item voluit, quod si petatur aliquem Religiosum recipi, & sibi de quovis Beneficio Ecclesiastico provideri per simplicem signaturam Fiat, receptio hujusmodi dumtaxat detur, adjecto, si petens idoneus sit, aut alium Canonicum non obstat, & exprimatur, si certus numerus Regularium sit ibidem, cui etiam non derogetur, nisi expresse concedatur, & si numerus iste non existat, ponatur; Dummodo receptionis locus hujusmodi nimium propterea non gravetur. Possintque Executores provisionis hujusmodi ad receptionem emissionis professionis non expectato probationis anno procedere.

De translatione Religiosorum.

60. Item si Regularis petat sibi de Beneficio ab aliquo Monasterio, vel alio Regulari loco dependente provideri, & appareat expetitione hujusmodi, quod alterius Monaste-

rii, vel loci Religiosus sit, licet ibi translatio non petatur, nihilominus illa veniat.

De clausulis: Si est ita.

61. Item quod in literis super Beneficiis per Constitutionem *Execrabilis* vacantibus, ponatur clausula: *Si est ita*; similiter de quibuscumque narratis informationem facti requirentibus.

Petenti provideri de vacaturo, dentur litera de vacanti.

62. Item petenti sibi provideri de vacaturo, dentur litera de vacanti, prout expedierit impetranti.

Revocatio Decimarum, & aliarum impositionum.

63. Item revocavit quascumque Decimarum, nec non subsidiarum, vigesima, & aliorum onerum impositiones ex quavis causa emanatas (non tamen Decimarum, subsidiarum, & onerum impositionum ex quavis causa & occasione expeditionis contra Turcas, & Orthodoxae Fidei hostes), & quascumque facultates super Decimarum, vigesima, & onerum hujusmodi exactione quibusvis fructuum, & proventuum Camerae Apostolicae debitorum Collectoribus, & Apostolicae Sedis Nunciis ab eisdem Praedecessoribus concessas. Suspendit quoque ad Suae Sanctitatis & Sedis Apostolicae beneplacitum quascumque plenarias Indulgentias ab eisdem Praedecessoribus ex quavis causa etiam expeditionis hujusmodi, si quae per Nuncios, vel Quaeitores deferebantur concessas, nec non deputandi, & eligendi Confessores, qui plenarie absolvant, & alia faciant ad earumdem Indulgentiarum suspensionum effectum, reliquaque facultates ipsas Indulgentias quomodolibet concernentes, praeterquam quoad ea in quibus Indulgentiae, & facultates in aliqua sui parte sint sortitae effectum. Itaut illis, qui implentes injuncta eis in literis Indulgentiarum hujusmodi jam consequuti sunt facultatem eligendi Confessores, qui absolvant eos plenarie in mortis articulo, per hujusmodi suspensionem non prejudicetur, quin facultate ipsa uti possint in futurum: Decrevit quoque irritum, & inane quidquid facultatum revocarum earumdem praetextu impostorum contigerit attentari.

Revocatio facultatum percipiendi pretium Officiorum.

64. Item revocavit, cassavit & annullavit, ac irritas declaravit quascumque facultates percipiendi pretium Officiorum Romanae Curiae pro tempore vacantium in toto vel in parte, & quavis concessionem & collationem, aliasque dispositiones per fel. rec. Innocentium XIII., aliosque Praedecessores de dictis Officiis, etiam ex die collationum, concessionum & dispositionum earumdem in antea vacaturis in favorem quarumcumque Personarum,

narum, Ecclesiarum, Monasteriorum, Piorum locorum, Collegiorum, seu eorum Mensurarum, etiam perpetuo, etiam in vim contractus, & ex titulo oneroso, & sub quavis alia verborum forma, quam, & premissorum tenores pro expressis haberi voluit, concessas, & factas quoad Officia, quæ post obitum dictorum Prædecessorum vacarunt, & in posterum quomodolibet vacabunt. Item revocavit quoque cassavit & annullavit ac irritas declaravit quascumque Infeudationes, Investuras, gratias, concessiones quoquo modo, etiam in Emphyteusim ad tempus seu in perpetuum, etiam Motu proprio, & de plenitudine potestatis, ac cum quibusvis derogatoriis derogatoriis (extra tamen Consistorium, & sine S.R.E. Cardinalium consilio, & consensu) a die Constitutionis se.re.Pii PP.V. Prædecessoris sui super prohibitione alienandi & infeudandi civitates, & loca S.R.E. sub datum Romæ apud S. Petrum Anno Incarnationis Dominicæ millesimo quingentesimo sexagesimo sexto, quarto Kal. Aprilis, Pontificatus sui anno secundo, usque in præsentem diem, per quoscumque Romanos Pontifices suos Prædecessores, aut mandato, vel auctoritate eorum quomodocumque & qualitercumque & quovis colore factas & concessas de Civitatibus, Terris, Oppidis, Castris, Arcibus, & locis S.R.E., & Sanctæ Sedis Apostolicæ, & tam mediate, quam immediate subiectis, tunc videlicet de tempore dictarum Infeudationum, Investiturarum, gratiarum, & concessionum nondum devolutis, necnon quascumque prorogationes, & extensiones quarumcumque Infeudationum, Investiturarum, gratiarum, & concessionum de dictis Civitatibus, Terris, Oppidis, Castris, Arcibus & locis, tunc videlicet de tempore dictarum prorogationum, & extensionum nondum finitarum quibusvis personis cuiuscumque gradus, status, conditionis & præminentie, etiam si Imperiali, Regali, Ducali, aut alia quavis præfulgeant dignitate, etiam in vim contractus, & ex quocumque titulo, etiam oneroso, & per quascumque tam sub Plumbo, quam in forma Brevis sub Annulo Piscatoris, aut etiam alias quomodocumque, & qualitercumque expeditas literas, ac sub quavis verborum forma, quam, & premissorum omnium tenores Sanctitas Sua pro expressis haberi voluit, latissime extendendos.

Quod fructus in tertia parte augeri possint vigore clausule.

65. Item, cum nonnulli in impetrationibus Beneficiorum Ecclesiasticorum pro tempore vacantium, & certo modo vacaturorum, asserendo illorum fructus &c. certum per eos expressum annum valorem non excedere, nonnunquam obtineant a Sanctitate Sua, ut huiusmodi valorem annum augere possint, ut verius possit in consecutione literarum super huiusmodi impetrationibus summa aut valor annuus exprimi, aliter desuper non specificato, ne de veritate huiusmodi concessionis in posterum habitari contingat, declaravit prætextu concessionis huiusmodi valorem

ipsum usque ad tertiam partem valoris expressi, & in prima, quæ desuper fiet literarum expeditione, dumtaxat augeri posse, & eas, quas literis iam expeditis cum expressione valoris specificati, aut non integro augmento prædicto, denuo desuper expediri contigerit literas cum aliquo augmento valoris huiusmodi, nullius esse roboris vel momenti, etiam si Motu proprio beneficiales gratiæ & dispositiones quæcumque a Sanctitate Sua emanaverint.

De infordescensibus.

66. Item ne personis, pro quibus literæ Suae Sanctitatis emanabunt ob generalem absolutionem a Censuris Ecclesiasticis, quibus ligati forent, ad eorum effectum indifferenter concedi, & in literis Apostolicis apponi solita, præstetur occasio censuras ipsas vilipendendi, & infordescendi in illis, statuit & ordinavit huiusmodi absolutionem, & clausulam in literis, quas in futurum cum illa concedi contingent, non suffragari non parentibus rei iudicata, Incendiariis, Violatoribus Ecclesiarum, Falsificatoribus, & falsificari procurantibus literas, & supplicationes Apostolicas, & illis utentibus, Receptoribus, & Fautoribus eorum, ac res veritas ad Infideles deferentibus, Violatoribus Ecclesiasticæ libertatis, via facti ausu temerario Apostolicis mandatis non obtemperantibus, & Nuncios, vel Executores Apostolicæ Sedis, & ejus Officialium, ejus commissa exequentes, impediuntibus, qui propter præmissa, vel aliquod eorum excommunicati a jure vel ab homine per quatuor menses scienter excommunicationis sententiam huiusmodi subtraxerint. Et generaliter quibuscumque aliis, qui Censuris aliquibus etiam alias quam, ut præfertur, quomodolibet ligati in illis per annum continuum inforduerint.

Officiales nihil exigant ultra debitum.

67. Item idem D. N. exactionibus, quas Sanctitas Sua non sine displicentia plerumque fieri intellexit per Officiales Romanæ Curie, qui constituti sibi emolumentis pro exercitio officiorum, quæ obtinent, non contenti, ultra a prosequentibus negotiorum, quorundam expeditionem in eadem Curia, exigere non verentur, obviare volens, districte præcipiendo inhibuit omnibus & singulis quævis officia in eadem Curia obtinentibus, ne de cætero quidquam prætextu officiorum, quæ obtinerent, quovis colore, etiam celerioris expeditionis, ultra emolumenta huiusmodi exigere, seu ad hunc effectum expeditionem eorum, quæ eis incumbunt, malitiose differre sub excommunicationis, & præter illam suspensionis a perceptione emolumentorum huiusmodi pro prima ad semestre, & pro secunda ad annum, & pro tertia vicibus, quibus sic excederent, privationis officiorum per eos obtentorum, in quibus sic excederint, pœnis. Ac voluit, quod S.R.E. Vice-Cancellarius & Camerarius excedentes ipsos respective prout eis subsunt, per subtractionem emolumentorum

lumentorum eorundem, ac alias, ut præfertur, compellant ab huiusmodi illicitis exactionibus abstinere, ac contra eos per prædictas pœnas, & alias prout melius expedire, viderint, procedant.

Reservatio Beneficiorum vacantium Sede Apostolica vacante.

68. Item S.D.N. provide considerans consuevisse quandoque Romanos Pontifices Prædecessores suos Beneficia, quæ vacante Sede Apostolica vacare contigerant, dispositioni suæ reservare, intendens de Beneficiis huiusmodi tam Conclavistis, quam pauperibus Clericis, & aliis benemeritis personis providere, omnia & singula Beneficia per Regulas Cancellariæ Apostolicæ, aut quaslibet alias Apostolicas Constitutiones temporales Romani Pontificis pro tempore existentis dispositioni quomodolibet, & ex quavis causa reservari solita, quæ a die obitus se. re. Benedicti XIII. Prædecessoris sui vique ad diem duodecimam Julii currentis vacaverunt, & de quibus per quoscumque Ordinarios Collatores tunc dispositum non fuerat, seu minus valide dispositum fuerat, suæ provisioni, ac dispositioni reservavit. Decernens irritum &c.

Revocatio Indulgentiarum superventia.

69. Item, quia ad opportunam nonnullorum suggestionem quandoque contingit, Prædecessores suos Romanos Pontifices pro tempore existentes, sub contractorum debitorum, vel diversis aliis prætextibus concessisse, & indulgisse Beneficiatis, ut fructus suorum Beneficiorum, aut partem eorum anticipatis solutionibus ad tempus elocare, vel erga creditores, aut quascumque alias personas obligare vel hypothecare, in solum dare, aut alias quomodolibet de eis disponere liceret, ad tempus minime restrictum, ad vitam supplicium cum gravi Successorum præiudicio, & Ecclesiarum detrimento. Ideo in demeriti Ecclesiarum, & Successorum in Beneficiis huiusmodi salubriter consulere volens, revocavit cassavit & annullavit omnia & singula indulta & facultates in ea parte, qua nec dum vere & realiter suum sortita sunt effectum, per quoscumque Romanos Pontifices Prædecessores suos hætenus ad favorem quarumcumque personarum concessas, quibus eis, vel eorum singulis ullo modo, & ex quavis causa vel prætextu permittitur fructus certos vel incertos, jura, obventiones, & emolumenta quæcumque quorumbet Beneficiorum per eos obtentorum, anticipatis solutionibus ultra unicum annum elocare, arrendare ad firmam, vel responsonem concedere, vel eos ad favorem quarumcumque personarum quomodolibet obligare, vel hypothecare, in solum dare, aut de eis quomodolibet & ex quavis causa disponere pro tempore, ad vitam Beneficiorum, & tempus, quo Beneficia huiusmodi obtinuerint minime restricto, & coarctato, illorum tenores &c. Decernens irritum &c.

Quod Cardinales non comprehendantur sub Regulis faciendis.

70. Item, cum S.R.E. Cardinales S.S.D.N. assistant, ac propterea debeant specialibus prærogativis & privilegiis gaudere, idem D. N. statuit ordinavit decrevit & declaravit, quod in quibuscumque Constitutionibus & Regulis per Sanctitatem Suam edendis non comprehendantur, neque comprehensio censentur ipsi Cardinales, nisi illæ eorundem Cardinalium favorem concernant, vel Constitutiones edendæ de eorundem Cardinalium, vel majoris partis eorum consilio editæ fuerint, seu in eisdem Regulis & Constitutionibus facta fuerit ipsorum Cardinalium expressa mentio.

Quod Regula Cancellariæ non comprehendatur sub generalibus derogationibus.

71. Item Sanctitas Sua statuit & declaravit, quod præmissis, & quibusvis aliis Regulis Cancellariæ suo tempore edendis & publicandis nunquam censentur derogatum in quibuscumque Constitutionibus, Literis, Brevibus, Indultis, & aliis ordinationibus Apostolicis, etiam Motu proprio, & ex certa scientia emanatis, per quæcumque verba & Decreta derogatoria, irritantia, universalis, & amplissima, & clausulas quantumvis efficacissimas, etiam derogatoriarum derogatorias, atque specialis & individua expressionis vim habentes, & habentia, nisi facta fuerit de illis expressa mentio, & non aliter, nec alio modo.

De potestate Rmi D. Vice-Cancellarii, & Cancellariam Regentis.

72. Primo, quod possit committere absolutionem illorum, qui ignoranter in supplicationibus vel in literis Apostolicis aliquid scriberent corrigerent vel delerent.

Item, quod possit corrigere Nomina & Cognomina Personarum (non tamen eorum, quibus gratia & concessiones sunt) ac Beneficiorum, dum tamen de corpore constet.

Item, quod possit omnes causas Beneficiales, etiam non devolutas committere in Curia, cum potestate citandi ad partes.

Item, quod Processus Apostolica auctoritate decretos aggravare possit cum invocatione Brachii secularis, & sententias executioni demandari facere contra intrusos & intrudendos, per literas Apostolicas desuper conficiendas, & non alias.

Item, quod possit signare supplicationes manibus duorum Referendariorum signatas de Beneficiis Ecclesiasticis Sæcularibus & Regularibus dispositioni Apostolicæ generaliter non reservatis, quorum cujlibet valor centum florenorum auri de Camera, vel totidem librarum Turonen. parvorum, seu totidem in alia moneta secundum communem estimationem, valorem annum non excedet.

Item, quod possit signare supplicationes, etiam duorum Referendariorum manibus signatas, de novis provisionibus, si neutri, & sub-

Facultas refrenandi pensiones ad summam 100. ducat.

§.5. Et insuper Conclavitis prefatis, & eorum singulis, ut quicumque loci Ordinarii, vel Canonici Metropolitanarum, vel Cathedralium, seu duarum insignium Urbis Collegiarum Ecclesiarum, aut personae aliae quaecumque Ecclesiasticae in dignitate Ecclesiastica constituta, tam in Romana Curia, quam extra eam, ad id per eos & eorum singulos eligendi, seu eligendae, quaecumque pensiones annuas eis & eorum singulis super quibuscumque fructibus &c. iuribus, obventionibus, & emolumentis universis certis & incertis quorumcumque Mensurarum Episcopali, Archiepiscopali, & Abbatiali, ac etiam distributionibus quotidianis, etiam ratione servitii & mercedis, Dignitatum, Canoniatum, & Praebendarum, caeterorumque aliorum quorumcumque Beneficiorum Ecclesiasticorum cum cura & sine cura, Secularium, & quorumvis Ordinum Regularium (non tamen per S. R. E. Cardinales obtentorum) reservatas seu reservandas, seu fructus &c. huiusmodi beneficiorum servatos seu reservandos, etiam si semel vel pluries translata seu translata fuerint, usque ad summam centum ducatorum auri de Camera similium in toto vel in parte, ac in una seu pluribus vicibus, ac etiam in mortis articulo cassare & extinguere ac postquam cassata, & extincta fuerint, alias similes pensiones annuas, seu fructus &c. huiusmodi usque ad summam praefatam centum ducatorum uni vel pluribus aliis personis Ecclesiasticis, vel etiam Clericali charactere tunc temporis nondum insignitis, cum clausula, tamen ex tunc, prout postquam dicto charactere rite insigniti fuerint, seu alias pensionum seu fructuum huiusmodi capacibus per eosdem Conclavitas & illorum singulos nominandos, etiam quaecumque, quotcumque, & qualiacumque Beneficia Ecclesiastica obtinentibus & expectantibus, similiter eis quoad vixerint, vel eorum Procuratoribus legitimis, eisdem modo & forma, quibus eisdem Conclavitis reservata seu reservati erant, etiam absque Beneficia huiusmodi obtinentium consensu, integre persolvendas, & per eos propria auctoritate percipiendas, exigendas, & levandas, aut percipiendas, exigendas, & levandas, reservare constituere concedere, & assignare possunt, itaut praefati Translatarii in quasi possessione pensiones seu fructus &c. huiusmodi exigendi, in qua ipsi Conclavitas tempore translationis per eos vigore praesentium faciendae existebant, in omnibus & per omnia subrogati esse censentur, concedimus & indulgemus, etiam si similem gratiam a Romanis Pontificibus Praedecessoribus Nostris alias forsitan obtinuerint, seu quilibet eorum obtinuerit, tam vigore aliorum Privilegiorum Conclavitarum, quam ex quocumque alio indulto & privilegio, quorum effectum per hanc novam gratiam & concessionem impedire nolumus, sed cumulative concessam & concessas esse volumus, itaut quilibet eorum cumulative & ampliative praefatis facultatibus praesentibus & praeteritis privilegiis hac in re concessis uti, frui, & potiri possint. Decernentes novas reservationes,

constitutiones, concessionem, assignationes, & translationes pensionum ac fructuum &c. huiusmodi, ut praefertur, faciendas, ex nunc, prout postquam factae fuerint, plenam roboris firmitatem obtinere, ipsaque Beneficia, super quorum fructibus &c. alii huiusmodi reservata fuerint, obtinentes ad illas persolvendas efficaciter obligatos fore.

§.6. Necnon Conclavitis praefatis, qui Sancti Joannis Hierosolymitani, seu cuiusvis alterius Militiae Regularis, etiam expresse professi sunt, ut etiam si ab eorum Conventu absentes existant, dummodo tamen quinquennale, seu aliam debitam residentiam in Conventu fecerint, & consueta servitia praestiterint, quorumcumque Beneficiorum Ecclesiasticorum, ac quorumvis pensionum, & Commendarum eorum Militiae, seu Religionis capaces existant, perinde ac si in eadem Militia, seu Religione antianimitate de iustitia consequuti fuissent, similiter indulgemus.

§.7. Praeterea eosdem Conclavitas, si qui eorum defectum natalium patiantur, ex quocumque damnato & illicito coitu, etiam si ex nobilibus parentibus, & vilibus feminis procreati existant, etiam si alias legitimitati existant, legitimamus, omnemque ab illis geniturae huiusmodi maculam sive notam abstergimus & abolemus, ac legitimis natalibus restituimus, & cum eorum singulis, ut in quibuscumque bonis paternis & maternis ac aliorum consanguineorum seu cognatorum vel aliorum quorumcumque, sine tamen praedictio venientium ab intestato vel fideicommissio, seu alias de jure, valida dispositione, & praeterquam in Bonis Ecclesiasticis, & ab Ecclesia provenientibus, succedere, & illa donationis vel alio quovis titulo consequi & habere, ac ad aequales portiones cum legitimis succedere, eos ad omnia iura, legitimas successiones ex testamento, vel ab intestato haereditates, legata, libertates, restituendo realiter & cum effectu ac ad dignitates honores & quaecumque alia officia secularia, publica vel privata etiam assumi, illaque gerere & exercere in omnibus & per omnia, ac si de legitimo Matrimonio procreati forent, ac eodem defectu non obstante, si aliud canonicum eis non obstat impedimentum, ut Clericali Charactere, qui illo nondum insigniti sunt, insigniri, & ad omnes etiam Sacros & Presbyteratus Ordines, si nondum ad illos promoti sint promoveri, ac postmodum Charactere, & Ordinibus huiusmodi, ac illorum privilegiis uti, ac in eisdem Ordinibus, etiam in Altaris ministerio ministrare, & quaecumque, & qualiacumque cum cura & sine cura Beneficia Ecclesiastica, etiam si personatus administrationes & officia etiam curata, & electiva in Cathedralibus, & Metropolitanis, vel Collegiatis Ecclesiis, seu si Parochiales Ecclesiae, vel earum perpetuae Vicariae, ac Canoniciatus, & Praebendae, ac Dignitates, non tamen Majores post Pontificalem in Cathedralibus, nec principales in Collegiatis Ecclesiis huiusmodi fuerint, si eis alias canonice conferantur, aut ipsi eligantur, praesententur, vel alias assumantur ad illa, & insituantur in eisdem, recipere, & dummodo

Concessio antianimitatis Equitibus Hierosolymitanis, seu aliter Militiae.

Legitimitas illegitimum, & ad Ecclesiastica Beneficia habilitatio.

Dispensatio a defectibus, qui in collationibus, vel acquisitionibus Beneficiorum, Pensionibus &c. praeter Simoniam incurrunt.

Condonatio fructuum Ecclesiasticorum male vel indebitè perceptorum.

Litterae Apostolicae provisionis, Pensionibus &c. gratis eis danda.

plura simul non sint, quam quae a Concilio Tridentino permittuntur, quoad vixerint, retinere libere & licite valeant, similiter dispensamus.

§.8. Ac omnes & quoscumque defectus, si qui forsitan sint, in omnibus & quibuscumque provisionibus ac permutationibus Beneficiorum quorumcumque eorumdem Conclavitarum, tam ob multiplicitatem Titulorum, ac ob incursum quorumcumque censuram, etiam irregularitatis, & similiter in expeditionibus literarum Apostolicarum super illis, quam alias ex quavis causa provenientes, quoad praeteritum tantum, ac sine praedictiojuris alicui quaestiti, & dummodo non intercesserit simoniae labe, nec aliqua lis desuper pendeat, sanamus: ac provisiones huiusmodi vigore praesentium in utroque Foro, perinde ac si novas provisiones huiusmodi obtinuisent, revalidamus, & quatenus opus sit, omnibus & singulis Dignitatibus, & aliis cum cura & sine cura Beneficiis Ecclesiasticis quomodolibet qualificatis & nuncupatis, etiam cuiusvis Ordinis Regularibus, per eos respective obtentis, de novo etiam respective providemus: ac omnes & singulas pensiones eis & eorum singulis, super quorumvis Beneficiorum Ecclesiasticorum quomodolibet qualificatorum & nuncupatorum, etiam alicuius Ordinis Regularium, fructibus &c. ac etiam distributionibus quotidianis respective reservatas, similiter de novo reservamus: ipsique Conclavitis eorumque singulis quoscumque fructus &c. Ecclesiasticos occasione quorumcumque Dignitatum, Canoniatum, & Praebendarum, aliorumque Beneficiorum Ecclesiasticorum quorumcumque, & quorumcumque pensionum annuarum, ipsis & eorum cuilibet respective collatorum & reservatorum, tam ex anteceditis quam ex aliis defectibus & occasionibus, etiam ratione omissionis recitationis horarum Canonicarum, vel eorum non promotionis ad omnes etiam Sacros & Presbyteratus Ordines, vel non susceptionis gradus Doctoratus indebitè perceptos, cuiuscumque quantitates fuerint, gratiose remittimus & condonamus: ac cum eis super inhabilitate & irregularitate per eos propterea quomodolibet contracta, vel etiam ex eo, quod Censuris huiusmodi ligati Missas & alia Divina Officia (dummodo tamen non in contemptum Clavium) celebraverint, aut alias in Divinis se immiscuerint: quodque illa & praemissa eisdem non obstantibus, ad omnes, etiam Sacros & Presbyteratus Ordines alias rite, & dummodo nullum aliud alicui eorum obstat canonicum impedimentum, promoveri, & in illis & in susceptis per eos alias rite Ordinibus etiam in Altaris ministerio ministrare libere & licite valeant, dispensamus.

§.9. Quodque omnes & quaecumque gratiae, provisiones, commendae, & quaevis aliae litterae Apostolicae provisionum quorumcumque Beneficiorum Ecclesiasticorum huiusmodi, prout nostris Familiaribus continuis Commensalibus, eisdem Conclavitis & eorum cuilibet gratis dentur concedantur & expediantur: ac etiam litterae ipsae in forma Brevis

tam de capienda possessione nomine dictae Camerae Apostolicae, quam alias uti illis super provisionibus quorumvis Beneficiorum Ecclesiasticorum dari poterunt, similiter gratis dentur concedantur & expediantur, ac dari concedi & expediri omnino debeant, etiam praecipimus & mandamus.

§.10. Ac eisdem Conclavitis & eorum cuilibet, ut alia similia vel dissimilia indulta, privilegia, facultates, & gratias, haecenus eis & eorum cuilibet per Nos & Romanos Pontifices praedecessores nostros & Sedem praefatam concessa, in suo robore & firmitate cum praesentibus stare, ac illorum omnium & singulorum tenores, perinde ac si de verbo ad verbum inserti forent, praesentibus haberi volumus pro expressis, quam imposterum concedenda specialia vel generalia, quibus praesentes ac praesentibus per illa minime in aliquo praedictiojuris intendimus: itaut quodcumque & qualiacumque fuerint, unum alteri derogare non censentur, sed eos & eorum quemlibet illis simul ac cum praesentibus praedictis cumulative vel singulariter, prout eisdem Conclavitis & eorum cuilibet magis expediens videbitur, frui & gaudere possint, decernimus (dummodo tamen praesentibus non adversentur) similiter concedimus & indulgemus.

§.11. Postremo eosdem Conclavitas eorumque aliquem ad praesentem Motum proprium, seu literas super praesentibus, si videbitur, conscribendas, in dicta Camera insinuandum, aut admitti & registrari petendum minime teneris nec illum seu illas, etiam si Motus proprius & litterae huiusmodi infra legitimum tempus insinuatus admittitur & registratus non fuerint, seu illa insinuatae admittitae seu registratae non fuerint, propterea minus validum seu validas censuris sed suos plenarios effectus sortiri debere, ac Motum proprium & literas huiusmodi & in eis contenta quaecumque, sub quibusvis revocationibus, suspensionibus, limitationibus, modificationibus, Decretis, & Constitutionibus Apostolicis similibus gratiarum revocatorijs, vel quae eas limitarent vel moderarentur, quae a Nobis & dicta Sede pro tempore & ex quibusvis causis, etiam urgentissimis, etiam in favorem Fidei, ac Divini Cultus augmentum, etiam Consistorialiter, vel alia quavis auctoritate, haecenus vel imposterum emanaverint, minime comprehensum & comprehensas esse, & quoties illa emanabunt, toties cum & eas in pristinum statum restitutum repositum & plenarie reintegratum, & restitutas repositas & plenarie reintegratas, seu restitutum reponendum & plenarie reintegratum, & restitutas reponendas & plenarie reintegrandas esse censemus.

§.12. Et insuper cum dilectus filius Josephus Ferretus Romanus literarum Apostolicarum Expeditior, tanquam dictorum Conclavitarum Procurator, in praemissis sedulam pro eis operam navaverit, propterea & aliorum meritorum suorum, & obsequiorum Nobis & dictae Sedi impensorum intuitu, volentes ipsum specialibus favoribus & gratijs prosequi, eidem Josepho, licet ipse in Conclavi

Validatio horum Privilegiorum, ac caeterorum a Summis Pontificibus cuilibet illorum concessorum.

Exemptio ab insinuatione, seu a registrando in Camera.

Exemptio horum Privilegiorum ad Procuratorem Conclavitarum.

prædico non intervenerit, nihilominus omnibus & singulis supradictis gratis, privilegiis & facultatibus, immunitatibus, libertatibus, honoribus, prærogativis, præeminentiis, indultis, exemptionibus, cæterisque præmissis (non tamen quoad participationem decem millium scutorum auri hujusmodi per Nos, ut supradictis Conclavistis donatorum, & inter eos, ut præfertur, distributorum, seu distribuendorum) tanquam Conclavista frui & gaudere libere & licite possit & valeat, perinde ac Conclavi hujusmodi vere & realiter interfuisset: Constitutionibus, Ordinationibus, cæterisque supradictis, & aliis contrariis nequaquam obstantibus, motu, scientia, & auctoritate similibus, de speciali gratia indulgemus; Sicque per quoscumque Judices, etiam Commissarios, quavis auctoritate fungentes, sublata eis & eorum cuilibet in quavis instantia aliter judicandi & interpretandi facultate & auctoritate, judicari & definiti debere; irritum quoque & inane, quidquid secus super his a quoquam quavis auctoritate scienter vel ignoranter contigerit attentari.

Expedi-
tio gratia per
viam secre-
tam.

§. 13. Et insuper dilecto filio Nostro Petro Sancti Laurentii in Damaso nuncupati prædictæ S. R. E. Cardinali Otthobono nuncupato, ejusdem S. R. E. Vice-Cancellario, & literarum Apostolicarum Summatori, ac dilectis filiis Camera Apostolicæ Ministris loco Secretariorum Apostolicorum suppressorum, Præsidenti Plumbi, aliisque Officialibus, ad quos literarum præfatarum desuper consueciarum expeditio per viam secretam quomodolibet spectat & pertinet, sub pœna indignationis nostræ Motu simili & ex certa scientia ac de Apostolicæ potestatis plenitudine paribus, etiam mandamus, ut præfatas literas super prædictis omnibus & singulis, tam conjunctim quam separatim pro singulis, quibus concessa fuerunt, ac scorsim & separatim, cum omnibus & quibuscumque derogationibus, decretis, & clausulis in eis concessis, gratis, etiam quoad compositionem in Dataria Nostra, & per eandem viam secretam absque alio mandato expendant, & expediri faciant.

Derogatio
contrariorum

§. 14. Insuper omnia & singula privilegia, gratias, & concessionem, eisdem Conclavistis & eorum cuilibet a diversis Summis Romanis Pontificibus prædecessoribus Nostri hucusque concessa, Motu, scientia, & potestatis plenitudine similibus confirmamus & approbamus, ac de novo liberalissime concedimus. Non obstantibus præmissis, ac de certo eorumdem Notariorum numero, etiam si ad illam non sit devenit, ac Nostra & Cancellariæ Apostolicæ Regula de præstando consensu in pensionibus, & se. re. Pii PP. IV. de similibus & dissimilibus gratis in dicta Camera infra tres menses præsentandis & registrandis, ac Pii V., Romanorum Pontificum, Prædecessorum Nostrorum, contra illegitimos, necnon Pictaven. Concilii, ac Nostri & Cancellariæ præfate Regulis, etiam in crastinum dictæ assumptionis Nostræ ad Summi Apostolatus apicem editis & in dicta Cancellaria publicatis, ac etiam in Universalibus, &

Provincialibus Conciliis editis specialibus vel generalibus Constitutionibus & Ordinationibus, ac Ecclesiarum Monasteriorum, Ordinum, etiam S. Joannis Hierosolymitani, ac etiam Urbis Romæ ac aliarum Civitatum Oppidorum & Terrarum Camera prædictæ, & quarumvis Universitatum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, naturis, decretis, & novis reformationibus, etiam legibus tam Pontificiis, quam Imperialibus, Regiis, & Ducalibus, & Sacris Canonibus, Privilegiis quoque, Indultis, & literis Apostolicis, illis eorumque Superioribus & Personis ac locis quibuscumque in genere vel in specie, ac cum quibusvis derogationibus derogatoriis, aliisque efficacioribus efficacissimis & insolitis clausulis, irritantibusque & aliis decretis, etiam vim contractus & statuti perpetui continentibus, ac etiam motu, scientia, & potestatis plenitudine paribus, & consistorialiter, ac aliis in contrariis concessis confirmatis approbatis & innovatis: Quibus omnibus & singulis, etiam si de illis, eorumque tenores, ac si de verbo ad verbum nihil penitus omisso, & forma in illis tradita observata, exprimerentur & insererentur, iisdem præsentibus pro plene & sufficienter expressis, ac ad verbum insertis habentes, illis aliis in suo robore permanentibus, hac vice dumtaxat specialiter & expresse motu pari derogamus: Cæterisque contrariis quibuscumque cum clausulis opportunis.

Fiat Motu proprio L.

Et cum absolute a Censuris ad effectum &c. & quod obstantia etiam Beneficiales Conclavistarum, & ab eis subrogata hujusmodi, ac dispensationes, ac Indulta habeantur pro expressis, seu in toto vel parte exprimi possint in literis, & in casibus regulæ de infordescentibus, cum opportuna illius, necnon alterius regulæ de non tollendo jure quæsito derogatione: & quarumcumque aliarum Constitutionum Apostolicarum & Conciliorum etiam generalium, & statutorum, & stabilimentorum, usum, naturarum, Constitutionum Synodaliurum, Statutorum, & Privilegiarum Populi Romani, & Cluniacen., Cisterciens. Sancti Benedicti, Sancti Augustini, & aliorum Ordinum & Militarum, etiam Sancti Joannis Hierosolymitani, & Ecclesiarum & Monasteriorum Civitatibus & locis & personis & dominiis temporalibus, sub quibuscumque verborum formis, & cum quibusvis efficacioribus & efficacissimis & insolitis clausulis & decretis, etiam Consistorialibus, etiam contra alienigenas & alias personas, certis modis non qualificatas, aut aliis quomodolibet concessis: quorum tenores præsentibus pro plene sufficienter & latissime, ac de verbo ad verbum, prout ipsis Conclavistis magis placuerit, exprimi possint, etiam cum suspensione quarumcumque gratiarum, indultorum, quibusvis Ordinariis Collatoribus conferendi Beneficia Ecclesiastica etiam reservata, ad eorum collationem &c. pertinentia, & in omnibus aut certis expressis causis, quomodolibet concessis, latissime extendendis, ita ut omnia

Derogatio
quoque Regu-
larum Cancellariæ, Con-
stitut. Aposto-
licarum &c.

omnia tollantur: Et quod sola præsentis Motus proprii Signatura sufficiat, & ubique fidem faciat in Judicio & extra, Regula, quacumque contraria non obstante: Et quod præmissorum omnium & singulorum indultorum, concessionum, gratiarum, & derogationum major & verior specificatio & expressio fieri possit in literis, si videbitur, in quibus singulorum Conclavistarum nomina & cognomina, qualitates, ordines, gradus, Dioecesis, Patriæ, & cætera requisita exprimi & describi, seu pro expressis & descriptis haberi possint: inter eos Sacrista & Magistri Cœremoniarum Cappellæ nostræ, necnon Secretarius Collegii eorumdem Cardinalium, & cæteri alii in notula per ipsos Magistros Cœremoniarum facta & descripta adnotati & descripti (si alias ad pensiones & Beneficia hujusmodi habiles & capaces fuerint) comprehendantur & adnotentur, simul vel ad partem, etiam in una non facta mentione de alia vel aliis, prout videbitur, expedien.

Extensio gra-
tiarum hujus-
modi favore
Sacristæ, Ma-
gistris Cœre-
moniarum &
Secretarii S.
C.

Transumptio-
rum fides.

§. 15. Volumus autem, quod literarum super præsentibus consueciarum, seu præsentis Motus proprii nostri transumptis, impressis & sigillo ac manu alicujus personæ in dignitate Ecclesiastica constitutæ munitis & etiam subscriptis, eadem fides tam in Judicio quam extra illud adhibeatur, quæ originalibus literis, seu præsentis Motui proprio nostro Originali adhiberetur, si forent exhibitæ vel ostensæ, aut exhibitus vel ostensus foret.

Sibi D.N. sub-
scriptio.

FIAT L.
Datum Romæ apud S. Petrum decimo septimo Kal. Augusti Anno Primo.
Nihil, quia factum Principis.
Dominus Mantuanus.
Reg. lib. 1. Secretorum fol. 101.

Nomina autem ipsorum Conclavistarum sunt hæc, quæ sequuntur.

Reverendissimus D. Joannes Baptista Gamburuci Romanus, Archiepiscopus Amasenus, Basilicæ S. Mariæ Majoris de Urbe Canonicus, & Apostolicarum Cœremoniarum Præfectus.

Reverendissimus D. Fr. Augustinus Nicolaus de Abbatibus Oliverius Pifaurensis, Episcopus Porphiriensis, Basilicæ S. Joannis in Laterano de Urbe Canonicus, Sacrista.

R. P. D. Dominicus Rivera Urbinas, Protonotarius Apostolicus de numero Participantium Supranumerarius, Basilicæ Principis Apostolorum de Urbe Canonicus, ac Sacri Collegii Secretarius.

R. P. D. Ignatius Reali Romanus, utriusque Signaturæ Referendarius, ac ejusdem Basilicæ Canonicus.

Venantius Philippus Pierfanti Presbyter Camerinen. laudatæ Basilicæ perpetuus Beneficiatus.

Placidus Eustachius Ghezzius Presbyter Romanus, ejusdem Basilicæ Clericus Beneficiatus.

Nuntius Sperandio Presbyter Aquilanus præfate Basilicæ perpetuus Beneficiatus.

Franciscus Diverfinus Presbyter Romanus.

Joannes Philippus Farnia Presbyter, e Civitate Plebis, Basilicæ Principis Apostolorum de Urbe Beneficiatus Coadiutor.

Joannes Lucca Subdiaconus Romanus, ejusdem Basilicæ Clericus Beneficiatus: Magistri Cœremoniarum.

Abbas Marcellus Passari Presbyter Patrius Arianensis. Joseph Maria Cardoni Laicus Lucan. Joannes Giandotti Laicus Romanus: Nostri dum Cardinalatus honore fugebamur.

Jacobus Collez Clericus Leodien. Simon Ruggieri Presbyter Neapolitanæ Dioecesis. Angelus Antonius Mattioli Laicus Spoletanæ Dioecesis: Francisci Episcopi Portuen. Pignatelli.

Franciscus Velli Presbyter Prænestin. Basilicæ Principis Apostolorum de Urbe Clericus Beneficiatus. Petrus Cheller Clericus Amburgensis: Francisci Episcopi Ostiensis & Barberini.

Abbas Martinus Xaverius Viscardi Presbyter Aretin. Dioecesis. Joannes Baptista Scarfelli Sacræ Theologiæ Doctor Presbyter Bononien. Marcus Mittarelli Civis Bononien. Clericus Conjugatus: Jacobi Episcopi Albanen. Boncompagni.

Joannes Cæsar Pelucchi Clericus Romanus J. U. D. Propertius Galeotti Presbyter Nepefinus. Jacobus Cæsari Laicus Recanaten. Dioec., ac Dominicus Mandelli Clericus Conjugatus Romanus subrogatus præfate Galeotti, qui exivit e Conclavi infirmus: Petri Episcopi Sabinen. Otthoboni.

Bartholomæus Catenacci Eques Hierosolymitanus, Presbyter Amerinus. Canonici Philippus Zuffi Presbyter Ferraricus. Joannes Baptista Angelici Clericus Casertanen: Thomæ Episcopi Prænestini, Ruffi Ven. Fratrum Nostrorum Episcoporum S. R. E. Cardinalium.

Abbas Lucas Nicolaus Recchi Clericus Ripanus. Joannes Argenti Laicus Romanus: Josephi Renati Tit. S. Laurentii in Lucina, Imperialis.

Abbas Petrus Polidorus Presbyter Auxanen. Franciscus Sacchi Laicus Urbevetanus: Annibalis Tituli Sancti Clementis, Albani.

Joseph Castellucci Presbyter Potentinus. Joseph Maria Cardini Laicus Aretinus. Joannes Baptista de Innocentibus Clericus Sabinen. Dioecesis: Ludovici Tit. S. Prædix, Pici.

Antonius Leprotti Physicæ & Medicinæ Doctor, Laicus Mutinen. Dioecesis. Joannes Andreas Stacchini Laicus Ianuen. Dioecesis. Antonius Maria Preti Presbyter Bononien: Joannis Antonii Tit. S. Petri in Vincula, De Via.

Marianus Soccinus Clericus Senen. Abbas Angelus Ginannesky Presbyter Clusinae Dioecesis: Antonii Felicis Tit. S. Balbinæ, Zondadarii.

Thomas de Ceccottis Clericus Reatinus, Canonici Insignis Collegiæ Sanctæ Mariæ ad Martyres de Urbe. Franciscus Maria Lucca Laicus Romanus: Petri Marcellini Tit. Sanctæ Mariæ Transiberim, Corradini.